

# WANWOK



NAMBA 13

Trinde Febueri 3 1971

Prais 10¢


Man, mi bilas nogut  
tru. Mi gat namba bi-  
long mi, na paip, na  
aiglas bilong mi. Yu-  
mi go long taun, nau.



Bel bilong dispela boi i  
gut tru, em i holimpas  
wanpela draipela blakbo-  
kis. Sampela smolpela  
ailan long nambis i as  
ples tru bilong ol.



Pren, yu lukim  
bikpela plaua  
bilong mi? Em i  
nap long het bi-  
long mi. Wanpela  
saming mi no  
laikim, em dis-  
pela masin bi-  
long kisim poto.



Wanpela man i stap insait long  
balus i kisim dispela poto bi-  
long Port Moresby. Yu lukim tu-  
pela sip i stap long bris. Sa-  
pos ai bilong yu i gut tru, yu  
inap lukim ol ka i stap arere  
long ol rot, olsem sampela lik-  
lik anis.

Sapos yu gat tok yu raitim sotpela tasol. Sapos yu raitim longpela bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela prinim nem bilong yu tru, orait yu raitim arapela nem bilong yu tu.

## Yumi Mas Redi Pastaim

Dia Edita.- Long nius Wantok namba 6 de bilong Januери, mi ritim wanpela toktok o tingting bilong Mista Whitlam. Mi ting planti pipel i save kisim nius Wantok na ritim pinis bikpela toktok bilong Mista Whitlam. Mi ting planti pipel bilong Papua na Nu Gini i no amamas long ritim dispela tingting bilong Mista Whitlam. Em i raitim olsem selp gavman i mas kam long yia 1972 na independens long 1976. Em i tok tu Australia i mas klia long Papua na Nu Gini.

Plis ol wantok mi ting dispela toktok bilong Mista Whitlam i no stret tru. Em i giaman tumas. Mi no laikim dispela tingting bilong Mista Whitlam. Long wanem taim em i kam lukluk long Papua na Nu Gini em i wokabout long taun tasol na gris wantaim wanpela o tupela man bilong taun tasol. Na em i tok selp gavman i kam kwik long Papua na Nu Gini.

Lukim planti pipel i stap nabaut ausait long taun. Ol i no save long mining; bilong selp gavman. Ol i no save long rot bilong ranim bisnis, wok bilong gavman na misin. Planti pipel bilong Papua na Nu Gini ol i no save long lo bilong ol waitman. Taim mipela i singautim ol long wok gavman na misin, ol pipel i tok, wok gavman na misin em wok bilong yupela kiap, pater, polisman, na katekis. Ol i tok olsem na ol i laikim pait tasol. Ol i mekim olsem na mi no laikim selp gavman i kam kwik.

Bihain planti yia i go pinis olgeta pipel bilong Papua na Nu Gini i laik orait bai gavman bilong Australia i ken givim selp gavman. Wok bilong givim selp gavman em i no wok bilong gavman bilong Australia, em i laik bilong pipel bilong Papua na Nu Gini.

Olgeta pipel bilong Papua na Nu Gini i mas redi planti yia i go pastaim. Selp gavman i no ken kam kwik. Sapos wanpela man o meri i no laikim tingting bilong mi orait rait tasol long Wantok na salim i kam.

Angalam Sikilonde, Mt. Hagen.

## Yumi Wan Pipel

Dia Edita.- Patrick Bulji i mekim gutpela tok tru. Tenkyu Patrick long gutpela tok bilong yu. Mi tu mi ting olsem tasol. Misin i helpim ol sumatin long skul, misin i helpim ol sikman, orait misin i ken helpim ol kaunsil tu. Misin long ples bilong mi i baim takis.

Wanpela kaunsila i tokim mi em i bin kisim sek moa long 100 dola. Misin baim takis long ol man bilong em. Ol brata, tingting mipela wan pipel tasol. Olsem Mista John i tok. Taim bilong wok wantaim i kamap na maski long kros nabaut.

Konrad Karian Madang.

## Kain Longlong Tingting

Dia Edita.- Nau em i taim bilong mipela man bilong Teritori i mas tingting gut long selp gavman na independens.

Tasol insait long Chimbu long hap bilong mi planti manmeri i no save long mining bilong dispela tupela nem. Planti taim mi painim planti pipel i askim: long wanem ol dispela man ol i kolim selp gavman i laik kamap long Teritori? Mipela i stap wantaim ol dispela waitman nau i orait. Bihain gen long independens wanem ol dispela lain man i laik kamap? Nogut ol i kam mekim nogut long mipela. Na sampela taim ol i tok long wanem ol dispela waitman i stap nau pait wantaim selp gavman na independens? Ol i kam orait mipela i pait wantaim ol.

Olsem mi ting ol man bilong arapela distrik tu i gat kain longlong tingting olsem. Mipela sampela i save liklik long mining bilong selp gavman na independens na traime long tok klia long ol tasol i no inap long dispela sotpela toktok.

Olsem na mi ting i gutpela moa sapos ol Selek Komiti o ol sampela gutpela man i mas tok klia tru long dispela tupela samting. Na tanim long tok ples bilong ol lokal pipel bai ol i ken harim na save gut. Olsem ol Selek Komiti i raun pinis na mi pret sampela bai i gat longlong tingting long ol.

Mondo Ludger Chimbu.

## Mipela i Wet

Dia Edita.- Mi wanpela skulman ki long Gumine Katolik Misin Dirima. Mi harim planti man na meri i askim olsem, bai selp gavman bai i kam olsem wanem? Ol i longlong nabaut na tok, ating ol man i bin dai bipo bai i kam olsem selp gavman. Tasol mipela ol skulboi i tok save gen long ol. Na ol i tok mipela i wet inap 10 o 20 yia moa.

Joe Gari-Uri, Boromil.

## Nem Wantaim Moa

Dia Edita.- Mi ting dispela kain pasin bilong ol pipel i givim planti nem tumas long dispela kantri bilong yumi i no stret. Tasol sapos yumi larim dispela nem Papua na rausim Niugini, ating bai ol Niuginian bai i gat bikpela kros. Na sapos yumi larim Niugini na rausim Papua ating bai ol Papuaun bai i wari. Olsem na mi

ting i gutpela yumi i kolim dispela kantri long wanpela nem bai ol Papuaun na Niuginian bai i no ken kros nabaut. Ating ol memba bilong Haus Asembli i mas vot long wanpela bilong ol nem bipo ol Selek Komiti i bin givim long en. Em long: Niu Gini, Paradisia, New Guinea, na Pagini. Adam Alex, Naram, Kapaimari.

# SOTPELA SKET I ORAIT

Dia Edita.- Mi laik bekim wanpela pas bilong tambu wantok Gerald Bustin bilong Mendi. Em leta i kamap long Wantok namba 12. Em i tok long ol meri i save putim sotpela sket. Mi ting em i orait, bikos nau yumi kamap long nupela taim. Nau taim i senis, orait ol man na meri tu i ken senis. Yumi i no ken tok em i samting bilong mastasol.

Sapos yu ting em i nogut orait yu yet yu mas putim ol bilas olsem ol tumbuna pastaim. Bihain yu askim ol meri long pinisim dispela kain pasin bilong nau. Sapos yu laik putim lo na tambu long ol meri i putim sotpela sket orait ol man tu i mas tambu i no ken putim ol trausis i tait tumas. I wankain tru long ol meri i save bagarap long ol man i save putim ol trausis i tait tumas.

Sapos yumi ol man i save hepi long putim ol trausis i tait tumas orait, ol meri tu i save hepi long putim ol sket i sotpela. Ol meri tu i wankain olsem yumi ol man, ol i laik mekim liklik stail bilong ol.

Frank J. Hanumbo,  
Kairiru.

## KISIM NAU NA SORI BIHAIN

Dia Edita.- Long tingting bilong mi, yumi pipel bilong Niugini na Papua i no inap long kisim selp gavman. O sapos yumi kisim nau bai yumi sori tru bihain. Bilong wanem? Bikos yumi no gat gutpela na strongpela yuniti (unity) namel long wan wan famili. Yu

yet askim yu, hamas man na meri long ples bilong yu i no hepi bikos man i lusim meri na kisim arapela meri na tu meri i lusim man na kisim arapela man. Long ting bilong mi, mi ting em i wanpela bikpela bos bilong selp gavman. Yumi no ken amamas long ol bisnis na save. Em ol namba tu samting. Famili i mas stap hepi na hepi famili kamapim gutpela pikinini na gutpela pikinini i kamapim gutpela strongpela gavman long taim bihain laka? Sapos nau yumi no lukluk long dispela, yumi ken kolim yumi aipas. Mi bai plis moa moa yet sapos yu husat man o meri i laik bekim pas bilong mi. Mi laik harim save tingting bilong yupela tu.

Joseph Bade,  
Ambunti.

## MANI EM BIKPELA KING

Dia Edita.- Mi lukim wanpela pasin i no stret tru long ai bilong mi. Long taim mi save kisim pepa mani, mi save painim nem bilong man, na mani i brukbruk na spet bilong buai. Mi lukim ol i save mekim tu ol de bilong mun na yia. Ol dispela mak i save stap long pepa mani. Dispela pasin em i gutpela o nogut?

Yumi mas save gut olsem mani em i wanpela bikpela king bilong olgeta man bilong graun. Sapos man bilong graun i

no gat mani i stap long hap bilong em, bai em i no inap long mekim ol kain wok Jisas i bin bringim i kam long graun. Olsem tu mani em i no save kamap nating long han bilong man. Trai hat, bihain painim pes bilong mani. Ting long dispela na i moa mekim bikhet long mani. Lukaut gut long mani bilong yu. Putim gut mani em inap helpim yu kwiktaitm tru long wanem wok yu laik kirapim.

A. Roe Jawip, Lae

## NO KEN TOK NOGUT

Dia Edita.- Yes mi laik toktok liklik long pas bilong Kora Davit na Tom bilong Lae. Yumi no mas tok ol misinari ol bisnisan. Nogat tru. Ol misinari em ol man bilong wok marimari. Em ol i laik helpim yumi.

Ol i wokim planti skul na kolès bilong helpim yumi yet. Ol i no mekim dispela long pikinini bilong ol o kantri bilong ol. Em ol i laik helpim pikinini bilong yumi long kantri bilong yumi yet.

Olsem na yumi no ken tok nogut long ol olsem. Mi lukim dispela long niuspepa na mi kros liklik.

Abraham Nambaik,  
Warabung

## YUMI NO KEN SKRAP

Dia Edita.- Mi ritim Wantok nius long Novemba 18 Wantok hia Mista Robert Somare bilong Kavieng i raitim. Mi amamas tru. Tasol mi laik skruim hap. Sori ol brata na pren, yumi no ken skrap long kisim selp gavman kwik.

Bilong wanem? Mi lukim long hap bilong Bulolo olgeta rot i no stret tru. Sapos yumi skrap o hariap long kisim selp gavman, inap long yumi wokim gut rot o bris? Sapos C.D.W. i lusim rot, mi ting yumi yet i no inap long wokim rot na bris. Bai yumi lusim. Maski yu husat man i stap long taun, yu no ken hariap long selp gavman yu mas lukim ol man bilong bus o maunten o viles bilong yu pastaim. Sapos yumi hariap long selp gavman na gavman bilong Australia i lusim yumi. Inap yumi wokim gut rot? Yumi lus.

Inua Kilua,  
Mendi.

Mipela i laik tok sori tru long ol pren hia i raitim pas i kam long Wantok, long wanem i no gat ples inap long prinim pas bilong yupela. Mipela i tenkyu tru long yupela.

Em hia nem bilong ol pren; John Gamlau (Kumdi), Tiotam T. Kaiian (Rabaul), Harry A. Kendoli (Wewak), Ameke Kawe (Madang), Alfons Kagl (Gembogl), Maua Erkuo (Chimbu), Siambugla Henry (Ganderkolkira), August Usknda (Ambunti), Peter Qune (Bougainville), Frank Jambiakwe (Kairiru), Irapai Jems (Tangu), Wilhelm Nimbi (Madang), Joseph (Madang), Ludger Mendo (Kundiawa), Saly Mesak (Nu Ailan), Michael Semering (Rabaul), Mark Tomba (Mt. Hagen), Raphael Ambrui, (Wewak), Ragiramo Dailly (Wapenamanda), Joseph S. Ywit (Timbunmeri), Terens Woma (Vanimo), Harry Ken (Torembi), Moya Michael (Lae), Daina (Madang), B.K. Tewo (Wes Sepik), Margaret Fitzgerald (Wewak), John Siaui (Wewak), Leo G.S. Himup (Port Moresby).

Na plis, ol wantok raitim klia nem bilong yu na ples yu stap long en, taim yu raitim pas i kam long mipela.

# Ol Kain Kain Nius

## Port Moresby

Namba wan gavman, Mista L.W. Johnson, i givim medal long tripela paia-man long wok bilong ol. Em ol man hia: Mista Pius Piel (Mt Hagen), Mista Ovasuru Setae (Kerema) na Mista Karo Tau (Hula). Ol i kisim medal long wanem bikpela paia i kisim wanpela stua bilong gavman na ol dispela man i no pret. Ol i strong na mekim dai dispela paia.

Wanpela man ol i bin makim em olsem nambawan long lukautim mani. Dispela man em i Mista Graham Brockes Douglas. Mista Douglas i bin stap insait long ami bipo. Nau krismas bilong em i 38 na em i gat 4-pela pikinini. Wanpela man i save lukautim mani em Mista J.E. Ritchie i tokaut long dispela.

Ministerial Memba bilong ol Skul, Mista Matthias Toliman, bai go long wanpela konpres long Kenbera. Em bai go wantaim ol distrik Inspekta, Mista Tau Boga, Mista Nason Paulias, na Mista Kumalo Kalo long dispela konpres ol bai i toktok long wok bilong ol skul i stap insait long ol kantri bipo i stap aninit long Englan.

Dipatmen bilong ol skul i bin makim wanpela tisa bilong Katolik Mision long go long Fiji long mekim kos bilong ol biktisa. Nem bilong em Mista John Jelikavas bilong Manus. Wanpela arapela tisa tu, em Mista N. Nakikus, hetmasta bilong skul long Galp Distrik, bai go wantaim em.

Siaman bilong Pablik Sevis, Mista S. Pitoi, i

bin tokaut long Minista bilong ol Teritori Mista C.E. Barnes i makim Mista Isea Taviai olsem wanpela memba bilong Pablik Sevis. Em bai stap olsem memba inap 18-pela mun.

## Mt. Hagen

Sampela haus bilong Y.M.C.A. o Kristen Asosiesen bilong ol Yangpela Man ol i bin stat long wokim long dispela yia. Sekreteri bilong Y.M.C.A. long Mt Hagen, Mista Liveras, i bin toktok long dispela samting. Bambang i gat haus bilong ol man bilong wok, ol klap rum, haus kuk, ol ofis, na toilet. Sapos olgeta haus i pinis bai prais i go inap \$100,000 dola olgeta. Haus hia i bilong helpim olgeta kain man long laip bilong ol.

Wanpela meri, nem bilong em Kela Kolove, i wokim pinis wanpela haus bilong kaikai na dring. Long wokim dispela haus em i kisim dinau long Development beng. Long Westen Hailans em i nambawan meri tru long statim dispela kain bisnis. Bipo long 5-pela yia em i statim wanpela stua na em i ran gut gut tumas.

## Lae

Long Angau Memorial Haus sik, tupela sikman i no save wokabaut long lek taim tupela i liklik yet tupela i kisim tupela nupela wilsia. Inap nau tupela i save wokabaut long baksait na han bilong tupela. Nem bilong tupela, Jan Baria bilong Taksaria viles, na Wadoun bilong Ororin viles. Wanpela wilsia i kostim \$130, tasol bai tupela i kisim fri.

## Popondetta

Papua na Nu Gini Development Beng i amamas tru long Mista Joji Pendaia bilong ples Kevi. Long yia 1961 em i dinau long wanpela hap graun long planim kakau. Inap nau em i bekim bek pinis planti mani long beng. Long mun Desemba em i bekim bek \$800.

## Kokopo

Ol i kirapim pinis wok long nupela haiskul. Bai ol i wokim 7-pela haus na tupela haus skul i gat tupela plua, wanpela antap na wanpela daunbilo. Dispela ol samting bai i kostim inap \$200,000. Sapos ol wok i go het gut, bai long yia bihain 100 sumatin i ken kam skul hia.

### OL Klap, ASOSIESEN, MISIN, NA SOSAITI..

Plis salim ol nius na piksa long mipela. "Wantok" bai hepi long prinim.

## Goroka

Anton Parau, wanpela sumatin long Koles bilong ol Tisa long Goroka, i winim eksaminesen bilong em, tasol ol bosman bilong skul ol i no givim setifiket long em. Ol i no laik em i insait long ol politik bilong Kompas Pati.

Anton i kam long ples Pina long Wabag Sap-Distrik. Em i nambawan sumatin tru. I winim ol skul bilong Pina na Par na Fatima (Banz); bihain em i go long Ulapia na Vuvu (Rabaul).

Ol hetman bilong skul ol i kros na i tok Anton i mas tis wanpela yia bipo em inap kisim seti-

fiket bilong em. Bihain gen ol i tok, em i mas tis wan mun tasol. Anton i no laik; em i lusim skul, na nau em i namba wan kuskus bilong Kompas Pati. Ofis bilong em i stap long Goroka.

## Rabaul

Mista Andrew A. Vele, man bilong bosim ol dokta tit long hap bilong Nu Briten, i lusim Niugini i go long Nu Kaledonia. Em bai insait long wanpela kibung bilong ol dokta i wok long fiksim tit bilong ol manmeri. Ol bai skul moa yet long olkain sik i save bagarapim ol tit bilong ol manmeri i wansolwara bilong yumi. Olsem tasol ol dispela kantri i salim deliget bilong ol i kam long kibung.

## Wewak

Hetman bilong Kairiru Haiskul, Bruder Patrick Howley, i bin tok olsem. I no gat inap ol meri i go long haiskul na i no gat inap man i kisim trenaing olsem haiskul tisa insait long Teritori. Em i tok long ol Sepik Distrik 168 gel i bin go long haiskul, na 382 boi.

## Kainantu

Gavman i baim gen 1923 eka graun klostu long Kainantu bilong wokim bikpela pawa stesin. Em i givim \$40,080 dola long ol papa bilong graun. Bihain gen gavman i mas baim 1902 eka na 2000 eka moa. Sapos tok bilong graun i pinis, orait, nau gavman i mas painim mani bilong kirapim bikpela pawa stesin. Ol i bin makim pinis ol rot long Mt. Hagen, Mandang, na Lae.



Ol plisman bilong Port Moresby i singaut long 300 soldia bilong helpim ol painim wanpela raifel wantaim bainat. Ol i ting tupela i bilong wanpela kilman. Ol plisman i painim raifel na bihain ol i painim tu wanpela man bilong Goilala, nem bilong em Peter Evaro, na ol i laik kotim em, ol i tok em i bin kilim tupela waitman na wanpela meri Papua.

(Ol piksa i kam long New Guinea News Service)



NAMBA WAN STUA LONG PAPUA  
 NA NEW GUINEA BILONG BAIM  
 GUTPELA KAIKAI NA OLGETA  
 KAIN SAMTING. TAIM YU LAIK  
 GO LONG STUA...YU GO LONG  
 STUA BILONG CARPENTERS

**PORT MORESBY      MADANG      RABAU      LAE**

# Raun Bilong Selek Komiti

Hia yumi ken ritim sampela aidia na tok-tok ol pipel i bin givim long Selek Komiti. Dispela komiti i raun nau long olgeta hap na i laik harim toktok bilong ol pipel. Yumi ritim dispela nius nau bai yumi tu i redi long autim tingting bilong yumi long en.

## RABAU

Komiti i kibung tupela taim. Long moningtaim 30 manmeri i kamap; long apinun 20 tasol.

Mista Peter Urmai, wanpela hetman bilong Mataungan Asosiesen, i strong long ol i mas rausim Mista Paulus Arek olsem siaman bilong komiti. Em i tok Mista Arek i manki tasol bilong namba wan gavman bilong Australia na em i no "man tru" bilong Niugini. Mista Arek i sakim dispela tok na em i tok, em i wok tru long painimaut tingting bilong ol pipel bilong Teritori.

Ol man bilong kibung i laikim yia 1972 olsem taim bilong selp gavman i ken kamap. Tasol sampela tokman bilong lokal gavman kaunsil i tok, nogut selp gavman i kamap hariap tumas, long wanem i no gat inap saveman hia bilong kisim ol bikpela wok nau ol waitman i holim.

## HOSKINS

Hia wanpela liklik pait i kirap na sampela man i tromoim han. Taim selek komiti i kibung.

Mista Paulus Arek i kalap i go antap long wanpela tebol na i bikmaus bilong daunim ol tok kros. Bihain tasol ol tok indai pinis, kibung i go het gen.

## LAE

Wanpela bisnisman bilong Kainantu, nem bilong em Mista Barry Holloway, i tok em i no laikim olgeta gavman i stap long Port Moresby tasol. Em i laik bai

wanpela wanpela distrik i gat strong bilong em yet.

Em i tok sapos ol distrik i ken bosim ol yet, orait, gavman i ken skelim pawa long ol inap long save bilong ol hetman bilong ol. Sampela bai i go het hariap, na sampela nogat. Em i samting bilong ol.

Mista Michael Kainiba, Memba bilong Haus Assembly, na man bilong Pangu Pati, i tok Teritori i mas gat selp gavman long 1972.

Mista Jonathan Paen i tok selp gavman i min ol Papuan na Niuginian bai i kisim ol wok nau ol waitman i holim. Em i tok em i no save bilong wanem yumi skulim na givim trening long ol Niuginian na bihain ol i no ken kisim wok.

## KABWUM

Samting olsem 300 pipel i kibung wantaim selek komiti hia. Wanpela man bilong Bougainville, nem bilong em Tokes, i tok em i laik bai ol i givim nem "Agni" long dispela kantri. Long ting bilong em, Australia i bosim dispela kantri planti yia, olsem nem bilong nupela kantri i mas kirap long leta "A". Olsem: "Agni". Tok "Gini" em i makim Niugini. Planti pipel i laikim dispela tok, na ol i no laikim nem "Pagini".

## PINDUI

Klostu olgeta manmeri hia i laikim selp gavman long 1972.

Ol man hia tu i no laikim tru dispela nem "Pagini"; ol i laikim "Niugini" olsem nem bilong kantri bilong yumi.

Selek Komiti i bungim hia 500 manmeri. I gat 8-pela tasol i laikim selp gavman long 1972.

Planti pipel moa i laikim bai Australia i

## Yunaitet Nesens Glasim Teritori

Kaunsil bilong bosim ol Teritori insait long Yunaitet Nesens i bin salim 4-pela man bilong lukluk raun long Papua na Nu Gini. Ol i kamap pinis long 24 Janueri na bai ol i stap inap long 6-pela wik. Kain komiti olsem i save kam olgeta 3-pela yia.

Dispela taim ol 4-pela man hia bai raun long Papua tu long lukim wok bilong Australia long dispela teritori bilong en.

Nem bilong 4-pela man em hia: Sir Dennis Allen (Englan), Mista Paul Blanc (Frans), Mista Adnam Raouf (Iraq), Mista Charles Wyse (Sairra Leone).

Kain komiti olsem i mas ripot long ol wok Australia i bin mekim long helpim go het bilong kantri long ol bisnis na politik na skul. Ol tu ol i laik lukim Australia i redim Niugini long selp gavman olsem wanem.

stap sampela yia moa na i soim yumi ol pasin bilong ranim gavman.

## KAIAPIT

Ol man bilong dispela hap i gat tupela wari sapos selp gavman i kamap. Em hia: ol i pret nogut wanpela pait bai i kamap, na ol i gurua i ting bai ol takis i go antap moa.

Mista Mea John Suria, wanpela tisa bilong Hanuabada, i tokim ol man, Fiji i gat 100 yia bilong redi long selp gavman. Niugini i win moa long Fiji, tasol em i gat liklik taim tasol.

## MADANG

Hia samting olsem 700 manmeri i laikim tru selp gavman long 1972. Planti moa i laikim bai selp gavman i kamap bihain long ileksen long nupela yia.


Wanpela man, Mista Benjamin Jacob, i tok sapos selp gavman i kamap namel long 1972 na 1980, em i orait tu. Ol man i laikim nem "Niugini".

Long ailan Karkar, ol man bilong wanpela ples i tok ol i no gat inap raifel na gan masin na olsem ol i no redi long selp gavman. Mista Saki Song i tok: bilong selp gavman yumi mas gat save, tasol yumi mas gat gan tu.

Long Annaberg, wanpela stesin long Wara Ramu, i tok ol i no laikim selp gavman i kamap nau.

Long Bogia Mista W.A. Lussick, wanpela memba bilong Selek Komiti, i tok: long ol kantri bilong Afrika wanpela man i no ken insait olsem memba bilong Haus Assembly sapos em i no save tok na rait long tok Inglis. Mista Nayala Kamaia, nambatu man long wok

(Moa long pes 16)





WIL BALUS BILONG

# ANSETT

YU LAIK FLAI LONG WANEM HAP  
ANSETT I HEPI LONG KARIM YU I GO

Ansett I Gat Olkain Balus  
Smok Balus Tri Ensin Tu Ensin Wan Ensin



We're inaugurating new services all the time. Like our new daily services to Kieta (Bougainville). And now we've made application for the right to fly direct to the American-owned island of Guam. Our fleet of modern aircraft has been increased by the addition of the brand new Twin Otter 300 series. Our staff is continually increasing and so are our world-standard facilities. In every way Airlines of Papua-New Guinea is truly representative of the vigorous growth of the Territory. Together, we're really going places.

**ANSETT AIRLINES OF PAPUA NEW GUINEA**  
in conjunction with Ansett Airlines of Australia.



# THE WORLD

WANTOK - Trinde Februari 3 1971 - Pes 8





Scale on the Equator 1 inch = 2000 Statute miles

KRISTEN PRES i wokim kain kain buk bilong strongim bilip na bilong sanapim gutpela pasin na sindaun na bel isi bilong ol manmeri na ol pikinini.

*Nau yu ken baim dispela buk:*

## Pasin Bilong Kristen Mama

*Em i soim wok bilong ol mama long lukautim haus na kaikai na klinpasin na pilai bilong ol pikinini na gutpela rot bilong prea na song na amamas.*

Salim oda i go long:



# KRISTEN PRES

Sales Division  
The Christian Book Centre  
Box 222, Madang

## OLGETA KAIN KAIN SEL

BILONG SIP, TRAK, PLANTESIN  
O HAUS I GO ANTAP LONG HAP KA

## MIPELA SAVE WOKIM GUT

Mipela save wokim gut sel long olgeta kain kain laplap. Ol i nambawan kain laplap bilong sanap strong long san i hat na bikpela ren long dispela kantri hia. Laplap hia ol i kolim katen, o kanis, o nailon. Sapos yu laik askim sel i kostim hamas, yu mas raitim pas i kam long mipela stret na toksave long wanem kain sel yu laik, na bikpela bilong em. Na mipela bekim pas i kam bek stret long yu. Ating ol kepten bilong ol smolpela sip i save pinis long mipela. Faktori bilong mipela i save tumas long wokim planti sel moa bilong ol. Yu rait long mipela pastaim!

\* MI KEN SALIM I GO INSAIT LONG 24 AUA  
\* SALIM I GO LONG OLGETA HAP PLES

## CANVAS & CORDAGE PTY. LTD.

AH CHEE AV., RABAU.

P.O. BOX 476

PHONE 2008.

## HELT

Long pepa i go pinis mi rait long ol man long ples. Ol i mas harim tok bilong dokta, nes na doktaboi.

Nau mi laik rait long sampela kain sik yumi save painim long ol taun. Tude planti ol pipel i lusim ples bilong ol na i kam na stap insait long ol taun. Planti bilong ol dispela ol dispela ol pipel i kam long painim wok o go long haikul. Long taun ol i mekim planti kain samting ol i tambu long mekim taim ol i stap long ples bilong ol.

Planti man i no kisim meri bilong ol i kam long taun. Taim ol i pinis long wok, ol i no gat samting bilong mekim olsem ol i go long hotel na i dring bia. Sapos ol i dring planti bia tumas, bai ol i mekim samting i stupit. Ol i pait, stil, na draivim ka taim ol i spak. Olgeta dispela samting i brukim lo na sapos plisman i lukim dispela, em i ken putim ol long kalabus. Sampela taim man i dring tumas na em i slip wantaim wanpela pamukmeri. Sampela taim dispela kain meri i save givim sik nogut long em. Orait, taim em i go bek long ples, em i givim dispela sik nogut long meri bilong em. Planti yangpela man long taun i painim wanpela meri na i givim bel long em.

I gat planti manmeri long Niugini i ting yet, man i mas slip wantaim meri planti taim bai em i gat pikinini. Em i no tru. Meri i ken kisim bel taim em i slip wantaim man wanpela taim tasol. Pasin bilong pait, stil, spak, givim bel na painim sik nogut-em yumi kolim sosol bikos ol i givim planti trabel na wari long planti pipel.

Yumi ken stapim dispela samting sapos yumi tingim sampela liklik lo.

Sapos yu wanpela singleman yu stap long taun, mobeta yu insait wantaim ol man i save pilai kikal, basketbal na sampela kain pilai olsem. Yu insait long wanpela misin bai yu painim planti pipel i laik mekim olsem yu. Sapos yu dring bia, kisim liklik tasol. Sapos yu stat long spak, pinis na go long ples. YU NO KEN DRAIV TAIM YU SPAK. Sapos yu bungim wanpela yangpela meri, mekim olsem yu save mekim long susa bilong yu. Sapos yu mekim em i gat bel bai em i sem na famili bilong pikinini, larim ol i kisim pren bilong ol i kam bungim yu.

Sapos yu wanpela singlemeri yu no ken slip wantaim wanpela man. Nogut yu gat bel.


Man i save tinting, long em yet, em i save mekim olkain trabel nau tasol yumi bin toktok long en. Man i ting long pren na famili bilong em, em bai stap gut.

## SKULNIUS

Ministerial memba bilong ol skul, Mista Matthias Toliman, i bin kolim nem bilong ol skulman i winim resis long go skul long Australia.

Em hia nem bilong ol: Helen Sepani na Margaret Pano bilong Is Sepik Distrik, Phyllis Haoda na Wendy Regione bilong Sentral, Margaret Ivon na Pukman Katu (Morobe), Philomena Bouai (Bougainville), Thomas Kabu (Chimbu), Gabriel Logo (Nu Briten), Jack Maso (Galp), Steven Sago (Madang), Mialangis Cholai (Manus), May Togo (Milne Bay), Roselyn Kaviro (Noten), Bia Wari (Sauten Hailans), Toby Warapa (Westen), Berro Angalambo (Westen Hailans), Joseph Egon (Wes Nu Briten), Saulo Topidik (Nu Ailan).

# Yu Ting Wanem



Long mun i go pinis Mr Whitlam, lida bilong Pati bilong ol Wokman bilong Australia (Labor Party), i lukluk raun long kantri bilong yumi hia long Niugini.

Long ABC na long Post-Courier long olgeta de i gat ripot long ol tingting na toktok bilong em. Yumi harim ol dispela ripot na yumi pilim ol toktok na aidia bilong em i narapela kain tru long tingting na skulyumi oltaim save kisim long han bilong gavman. Olsem, na planti man i longlong olgeta.

## ARAKAIN TOK

Olsem wanem long dispela man, Mr Whitlam? Em i laik bagarapim kantri bilong yumi? Em i laik kirapim pait gen insait long Niugini? Wanem as tru bilong ol tok na tingting bilong em?

Nating astoki olsem: Pastaim yumi save harim ol tingting na aidia bilong gavman bilong yumi tasol. Yumi tingting i no gat arapela kain tingting long Australia. Tasol Mr Whitlam i kam pinis na em i autim aidia na tingting bilong Pati bilong em. Dispela aidia na tingting i no tingting bilong Mr Whitlam tasol, em i tingting bilong ol planti man bilong Australia. Olsem, yumi ol man bilong Niugini i no ken ting: "Gavman i rabisim ol aidia bilong Mr Whitlam, ol niuspepa i no laikim tok bilong em na ol i wok long daunim em, orait yumi mas daunim ol toktok bilong em".

## SKELIM

Kain tingting i rabis tru. Yumi olgeta man i gat tingting. Yumi olgeta man i gat aidia. Orait yumi olgeta wan

wan i mas skelim ol tok bilong Mr Whitlam. Skelim pinis, orait yu ken tok yes o nogat.

Tingting bilong mi i olsem. Ol aidia bilong gavman bilong yumi, yumi harim pinis planti taim. Yumi kisim long maus bilong kiap, long Distrik Opis, long wailis. Olsem longtaim yumi yesa pinis long ol tok bilong ol. Tasol nau Mr Whitlam i save bringim arapela kain tok gen na yumi no tingting gut pastaim long ol dispela tok na aidia bilong em. Yumi kirap nogat na bihainim gavman tasol. Dispela kain i no stret. Yumi mas tingting gut pastaim.

## WARI TRU

Wanpela aidia bilong Mr Whitlam yumi mas tingting planti long en, em hia: Mr Whitlam i tok, "Bikpela hevi na bikpela wari bilong Niugini i no dispela hevi long selp gavman na independens. Nogat. Bikpela hevi na bikpela wari bilong Niugini em hia:

- 1) wari long graun;
- 2) ol planti man i no tingting long kantri bilong yumi Niugini, ol i tingting long Distrik bilong ol tasol;
- 3) painim gutpela rot bilong helpim olgeta man bai ol i ken painim mani na sindaun gut."

Em i tok gen: "Nau em i taim bilong stretim ol dispela trabel. Australia i no inap stretim ol dispela trabel. Yupela ol man bilong Niugini tasol inap stretim. Selp gavman i mas kam kwik bai yupela ken stretim. Sapos yupela wet longtaim bai trabel i go bikpela na i no gat man inap stretim. Yupela no ken pasim ai tasol na kraik long Australia. Yupela mas san-

# Skul Bilong Rait



Long mun Janueri 12-pela Niuginian i bin mekim wanpela kos long Nobonob klostu long Madang. Ol i mekim dispela kos inap 3-pela wik. Ol i bin lainim sampela pasin bilong raitim ol kain kain stori na bilong kisim nius.

Em hia nem bilong ol i sanap long lain bihain: Beremu Sesiguo (Garaina), Glen Bays (Tisa bilong ol), Peter Wia (Mt. Hagen), Pius Bonjui (Redio Wewak), Teddy Wetetia (Wantok, Wewak), Joe Nidue (Wewak), A.K. Waim (Chimbu)

Nem bilong ol i sanap paslain: Dinah Kukutu (Rabaul), Betty Lahis (Buka), Doris Pairava (Rabaul), Toŋna Jacob (Madang), Precila Ikoirere (Samarai), Leo Mek Saulep (ABC Redio, Port Moresby).

# Nupela Kampani Singaut Long Mani

Mista Stanli ToMarita, siaman bilong Niugini Ailans Produs Kampani, i tok nau ol Niuginian na Papuan i ken insait long dispela kampani.

Ol man bilong wok kakao long hap bilong Rabaul i bin mekim kamap dispela nupela kampani. Em bai kisim ples bilong Tolai Prosek.

Dispela nupela kampani i bilong ol Niuginian na Papua tasol. Ol tasol inap bosim na putim mani insait long en. Ol i laik painim 100,000 man long olgeta hap bilong Teri-

ap. Yupela mas wok long stretim ol dispela trabel nau tasol".

tori i laik putim faiv dola insait. Laik bilong man em i ken putim moa mani yet, bai em inap winim moa tu:

Dispela nupela kampani bai i wok bisnis long kopra na kakao long hap bilong Rabaul.

Bai em i laik kirapim ol arakain bisnis, olsem wok somil, stua, plante-sin, bulmakau, na pik.

Dispela kampani inap kirapim bisnis long olgeta hap bilong Teritori, i no long Rabaul tasol.

I gat 6-pela bosman bilong dispela kampani na wanpela komiti i gat 20 man. Olgeta ol i bilong Papuan na Niugini.

# Klap bilong ol yangpela fama

( I KAM LONG MARGARET FITZGERALD )

## Pasin Bilong Kirapim Ol Klap

I gat tupela pasin bilong kirapim olkain klap bilong ol yangpela fama. Em hia:  
.....Ol skul didiman i ken kamapim klap bilong ol yet.  
.....Gavman i ken kirapim sampela klap.

Orait yumi laik kirapim wanpela klap, yumi mas mekim wanem? Em hia:

1.) Wanpela man o komiti i mas bungim ol yangpela fama, kirapim wanpela klap na traim em i ran gut o nogat.

2.) Bungim nem bilong olgeta skul didiman na ol skul long Teritori i save mekim wok gaden. I gat ol i bungim save bilong ol.

3.) Kisim save long ol Klap bilong Yangpela Fama long Fiji na Solomon Ailan. Ol i save tumas

bikos ol i gat dispela kain klap planti yia moa.

4.) Kisim gutpela buk bilong wok didiman. Mista Charles Brooks i bin wokim kain wok olsem bilong Niugini stret. I gutpela sapos gavman yet i tilim dispela buk long ol i laikim.

5.) Mekim mekim bai dipatmen bilong ol skul i mas bringim save bilong ol samting bilong graun na ol wok gaden samting insait long ol skul.

Niugini em i kantri i ken kamapim ol gutschamting long graun bilong en. Ol wara i pulap long pis; planti graun i gutpela tumas long wok gaden; long planti hap ol bulmakau i win moa. Tasol yumi no skul liklik long ol dispela samting; ol skul i redim ol sumatin long stap insait long ol taun tasol.

Ol manki i sindaun long ol taun i stap, ol i no moa save long pasin bilong wok gaden. Na ol manki i save go long ol skul bilong ples, ol tu i no gat taim bilong wok gaden; ol i save stap planti taim tumas insait

I gat planti man tumas tude i ting skul em i wanpela haus i gat 4-pela banis bilong en, i gat kapa antap, i gat blakbot na wanpela tisa i holim setifiket i sanap paslain long ol sumatin. Tasol em i no inap. I gat planti kain save yumi ken kisim ausait long haus skul.

I gat planti samting yumi ken lainim ausait long skul. Yumi ken kisim save long olkain pis, na pisin, na abus, na sayor, na tri, na lo bilong ol klaut na ren na san. Em ol samting bilong yumi tu ..... yumi mas lainim - insait long skul o ausait long en.

Yumi no ken wet. Yumi mas bringim ol sumatin i kam ausait long haus skul. Tru, yumi stat insait long haus skul pas-taim na skulim het'bilong ol manki long ol samting bilong dispela graun. Tasol olgeta de yumi mas opim dispela 4-pela banis bilong skul na bringim ol sumatin i go ausait. Hia bai ol i ken skulim ol han bilong ol tu, bai ol i ken pil-

## Ol Mataungan i Win

Eksekutif Kaunsil bilong Administreta i bihainim laik bilong ol Mataungan na i senisim Gazelle Lokal Gavman Kaunsil. Nau i no gat moa man bilong kain kain skin; i gat ol Tolai tasol.

Mista Matthias Toliman, Ministerial Mema bilong ol Skul, i tok Gazelle Kaunsil yet i askim gavman bilong senisim kaunsil bilong ol.

Bipo i gat tripela waitskin na wanpela Sainaman i stap long Gazelle Kaunsil.

Tokman bilong ol i spik em i no bilip dispela nupela senis bai i stretim tok na pait namel long ol Tolai pipel.

Nau ol Mataungan i mekim ileksen bilong painimaut husat bai i memba bilong Lokal Gavman Kaunsil bilong ol yet.

Namba wan gavman, Mista Johnson, i tok sapos ol pipel i laik senisim Gazelle Kaunsil moa yet, bai gavman i no gat tok. Ol trabel long hap bilong Rabaul ol Tolai tasol i mas stretim; em ples bilong ol yet.


im na laikim ol samting bilong bus na gaden na wara na maunten. Em i wanpela kain gutpela save tu.

### WEWAK TIMBERS PTY. LTD.

(MASTA SNO NA MASTA ED)

PHONE 93 & 228

### OL HAUS BILONG MIPELA I STRONG TRU TASOL I KOSTIM LIKLIK TASOL



3 Bedroom



2 Bedroom

(All houses passed by the Building Board)


long somil bilong mipela yu inap kisim olkain plang - painim ol samting i redi bilong wokim haus - painim ol kamda bilong wokim haus

ALL TYPES OF SAWN TIMBER

Low cost houses built or material supplied

Also at:

BOUGAINVILLEA DR. MADANG, PHONE 2214

 **'READ'**  
THE LITERACY AND LITERATURE MAGAZINE

- Published Quarterly
- Subscription \$1 yearly

The Editor, Box 43,  
P.O., Ukarumpa, E.H.D.

# EGYPT

Last time we had a story about Israel. These days it is almost impossible to talk about Israel without in the next sentence mentioning the country of Egypt. Egypt is the main and largest Arab country that is fighting against Israel.

Most of Egypt's greatness is in the past, in history. We owe very many things to the Egyptians. As far back as 2500 years before the birth of Christ they had developed a system of picture writing which later helped to develop the alphabet that we now use. The story of Egypt goes back much much further than that. You can read about it in the first book of the Bible called Genesis.... Remember the story of Joseph and Egypt? Then in the book of Exodus we have the story of how Moses brought the Hebrews out of Egypt into what is now Israel. In fact the ten commandments were given on Mt. Sinai, which is on the Arabian Peninsula which until the six day war back in 1967 belonged to Egypt.

For over 2500 years Egypt ruled the world around the Mediterranean Sea.... back before one heard of Romans and Greeks. They were the first people to develop literature and writing; in fact they had the first paper for writing, which is called papyrus. They also developed the idea of building big houses out of stone..... Some of the monuments they built as graves for their rulers still stand today; they are called pyramids. They are one of the seven wonders of the world. The pyramid of Gizeh, for example, is built of 2,300,000 stone blocks... and each of these weighs 5,000 pounds... that is more

than two tons. Imagine how they got those stones up that high without machinery... They were very clever.


Egyptians were very learned people. Even today we are using many of the things they discovered. The idea that the year has 365 days first came from them. Mathematics as we know it, especially with fractions, came from them. They were amongst the first people to know and use glass, beer, bricks and bread. They even had a postal system for mail, imagine again: this was about 4,000 years ago!!! Some of the main things we know about operating in medicine comes from them. In fact they had a way of preserving their dead people ... they dried them out and used special medicines on their bodies so much so that even today we still have them. They are called mummies.

Egyptians of old were also very famous for manufacturing all sorts of things we take for granted today. They were jewellers, coppersmiths, weavers and ship makers. They had many sheep, donkeys and goats and even had dogs trained to take care of the sheep as the Australians do today.


Egypt today consists of more than 30,000,000 people. But since most of their country is desert where nothing at all grows, the people live mostly all along the long river called the Nile. In this country it almost never rains and still people have good gardens because they bring the water from the Nile into their gardens by ditches, waterwheels and pumps. This is called irrigation. They also have dams on the Nile River. The biggest one is the Aswan Dam which



Ating yu gat gutpela ai tru? Orait, glasim gut tru dispela tupela piksa. I gat 10-pela samting i arakain long tupela piksa. Yu inap painim o nogat?



has just been built. Most of Egypt's business which they grow and then comes from the cotton weave into cloth.



Mista Whitlam, Lida bilong Pati bilong ol Wokman bilong Australia (Labor Party), i sanap lain wantaim Mista Oscar Tammur, memba bilong Haus Asembli bilong Kokopo, Mista Damien Kereku, na Mista John Kaputin. Ol i memba bilong Mataungan Apesiesen long Rabaul. Eiksa i kam long Niugini Nius Sevis

# TU DOLA

Sapos yu salim \$2 (tu dola)

i kam long mipela

bai mipela i salim niuspepa WANTOK

i go 14 pela taim long yu.

Sapos yu laik kisim niuspepa WANTOK yu mas salim dispela hap niuspepa i kam bek wantaim \$2 (tu dola).

Adres bilong mipela em hia:  
 WANTOK PUBLICATIONS INC.,  
 P.O. BOX 298, WEWAK.

NEM BILONG YU HIA:

---

ADRES BILONG YU HIA:

---

# kaunsil nius

**POMIO (Is Nu Briten):** Ol pipel bilong dispela ap i semim gavman, long wanem long wok na laik bilong ol yet ol i bungim \$6,500 bilong wokim wanpela teknikal skul. Gavman i tok em i no gat mani; orait, nau ol man i go painim. Kaunsila Kai'iopuna Litore i tok nau gavman i bin promis long givim narapela \$6,500. Dispela lain man i bin bungim samting olsem \$50,000 long lo-pelayia i go pinis bilong kirapim wanpela bikpela wok, tasol ol i bin putim mani long beng na olsem i stap gut.

**OBURA (E.H.D.):** Taim planti pipel bilong Atakara, Bibeori na Numbaira Viles i wokim wanpela bris long Wara Lamari, klostu sampela man i bagarap. Taim ol i wok long pulim wanpela diwai, em i popaia na tromoi sampela man i go daun long ol ston na long wara. Diwai i bagarapim skin bilong sampela man tasol ol i orait.

**AMENOB (Madang):** Presiden Liwa Kolau i salim wanpela pas long ol nius-pepa bilong tokim ol long dispela samting: Taim Mista Whitlam i kam long Madang i no tru olgeta kaunsil bilong Madang i laikim selp gavman. Tupela tasol i laikim: Kaunsila Dui bilong Raikos na Kaunsila Tibong bilong Manam Ailan. Arapela 11-pela kaunsil i no orait long dispela tok. Presiden Kolau tu i kros long wanem Mista Whitlam i toktok long-taim tumas na i no gat taim long ol kaunsila i ken autim tingting bilong ol.

**ASARO/WATABUNG:** Kaunsil hia i bin putim takis bilong dispelayia olsem: \$8.00 long ol man na \$1.00 long ol meri. Ol man bilong Selek Komiti i kam lukim Asaro na bai ol 4-pela man bilong Yunaitet Nesens tu.

**MANUS:** Lokal Gavman Kaunsil hia bai yusim \$12,000 bilong wokim bikrot i kirap long Ros-sun i go long Bunai. Hap bilong dispela bikpela mani ol kaunsila yet i bungim na hap i kam long gavman. Dispela rot bai i go inap 29 mail. Nau ol hap bilong Saut inap kam inap Lorengau na ol man insait long bus i ken wok bisnis long timba na gumi.

**SIWAI (Bougainville):** Siwai Kopratif Sosaiti long mun Oktoba, Novemba, na Desemba i bin winim samting olsem \$17,000 profit long wok bilong en. Dispela bikpela mani i kamap long wanem ol memba bilong sosaiti i bin wok gut na salim planti kakao moa. Sosaiti hia i gat tupela trakta, wanpela trak, tripela haus paiaman, wanpela ofis na wanpela stua.

## KLASIFAIT

### PABLIK NOTIS

**PRE BUK.** Yu laikim buk long beten long nait? Salim pas long Booklet, Box 1096, Boroko. Kisim nating.

Wantok Publications, P.O. Box 298, Wewak, i wokim, na Wirui Pres long Wewak i prinim.

## Planti pipol oli askim

Tutt Bryant emi gat wonem samting long stoa bilong ol.

Emi gat planti kain masin nau sperpat long en tu. Nau hia yu lukim sampela mipela igat long stoa long mipela. Sapos yu laikim arapela samting bai yu askim long stoa long mipela long wonem TUTT BRYANT igat planti samting long ol masin, moto nau arapela samting. Em hia mi kolim sampela tasol mipela.

ALLIS CHALMERS <i>(earth moving equipment)</i>	LIGHTBURN <i>(cement mixers)</i>
APAC <i>(lift gear)</i>	LINCOLN WELDERS
AVIS RENT-A-CAR	KAWASAKI OUTBOARDS
BEDFORD <i>(trucks)</i>	KITTEN <i>(automotive products)</i>
BROOMWADE COMPRESSORS	MERCURY OUTBOARDS
CARIBBEAN BOATS	MICHIGAN LOADERS
DAHATSU	MONROE-WYLIE AUTOPARTS
DUFFIELD HOSES	ONAN <i>(engines and generator sets)</i>
EQUIPMENT INVESTMENTS <i>(hire purchasing and leasing facilities)</i>	PACIFIC-ACE EQUIPMENT
FIAT TRACTORS	PACIFIC PUMPS
FIRESTONE TYRES	P.E.P. <i>(automotive products)</i>
GENERAL MOTORS HOLDEN	PERKINS DIESEL
GENERAL MOTORS <i>(diesel)</i>	PHOENIX ASSURANCE
HEALTHWAYS DIVING EQUIPMENT	SMITH'S INSTRUMENT
HOWARD <i>(Agricultural)</i>	SUZUKI MOTOR CYCLES
I.S.S. <i>(safety equipment)</i>	VOLVO-PENTA <i>(marine engines)</i>
	YANMAR DIESEL
	YOKOHAMA TYRES



Tutu Bryant Pacific Limited

BRANCHES: PORT MORESBY, LAE, GOROKA, MADANG, RABAUL, KIETA  
AGENTS: MT. HAGEN, WEWAK, HONIARA (BRITISH SOLOMONS)  
WRITE: P.O. BOX 326, PORT MORESBY, T.P.N.G.



Overseas rates on application.

Sapos mipela i salim i kam long balus:

7 pela taim i kostim	\$1.00
14 pela taim i kostim	\$2.00
21 pela taim i kostim	\$3.00
28 pela taim i kostim	\$4.00

Wantok Publications Inc.,  
P.O. Box 298, Wewak

### ADVERTISING RATES

Casual \$2.00 per single column inch.	
3 insertions over 12 months	\$1.85
6 insertions over 12 months	\$1.70
12 insertions over 12 months	\$1.55
24 insertions over 12 months	\$1.40
Classified Advertising: 65 cents first 2 lines; 30 cents each additional line.	

Published 1st and 3rd Wednesday of the month.

(I kam long pes 6)

bulmakau, i tok, yumi mas mekim wankain hia long Niugini. Mista Stanis Toliman, namba wan tisa long Manam Ailan, i no laikim tru dispela tok.

Planti man hia i no laikim selp gavman; tasol wan wan i laikim long 1972.

## LUMI

Samting olsem 36 bikpela man bilong hap bilong Yelo Riva insait long bikbus tru, i tok: sapos gavman i no kirapim wanpela patrol pos long hap bilong ol, bai ol i no laik insait wantaim gavman bilong Port Moresby.

Mista Paulus Arek, siaman bilong komiti, i tok em i no samting bilong komiti bilong em long mekim kain wok olsem. Tasol em bai tokim namba wan gavman long dispela samting.

Mista Simon Ianibe,

helpman bilong lokal gavman, i tokim komiti i gut sapos ol man i ken vot long selp gavman long Oktoba 1972. Planti ol i tok ol i no laikim selp gavman nau, tasol ol i laikim gavman i makim taim bilong em i mas kamap.

Kaunsila Siau i tok, hap bilong ol i olsem wanpela liklik pik susu ol i karim nabaut yet insait long bilum.

Pater Valentine Brown bilong misin katolik i tok se em i bin stretim tingting bilong ol man. Nau ol i klia long selp gavman i wanem samting, nau ol i laikim.

## ANGORAM

Taim selek komiti i kamap hia, samting olsem 500 manmeri i kirap bikmaus na i singaut: "Selp gavman long 1972". Wanpela memba bilong Angoram lokal gavman kaunsil, Mista Joseph Kenni, i tok ol man hia i bin kibung

8-pela taim olgeta, na olsem ol i wanbel long kisim selp gavman long 1972. Miting tu i laikim nem "Niugini".

## WEWAK

Taim Selekt Komiti i kam kamap long Wewak, moa long 200 manmeri i bungim em. Ol i tok tok long selp gavman na planti i laikim long 1972. Planti pipel i no laikim nem "Pagini"; ol i laikim "Niugini" tasol. Long plak tasol, ol i laikim tumas. Ol man hia i laikim wanpela bikpela gavman, tasol wanpela wanpela distrik i mas gat sampela strong bilong em yet, em ol i kolim Eria Atoriti (Area Authority).


I gat moa olsem 9000 i bin painim wok long hap bilong Bougainville; long yia 1966 i gat 3,000 wokman tasol i stap. Tude samting olsem 8000 man i wok long Kopa Kampani long Panguna.

## LAIK GIAMAN

Mataungan Asosiesen: singaut long \$625,000 dola long gavman na Gazelle Kaunsil. Long wanem, ol i tok ol i orait long ol i kirapim Niugini Ailan Produs Kampani. Tasol Mataungan Asosiesen i no bin mekim sampela wok long helpim dispela kampani. Olsem na Presiden bilong Gazelle Kaunsil i tok Mataungan Asosiesen i laik giaman long kisim dispela mani nating.

## GLASIM AUSTRALIA


Tupela ten pipel i go lukluk raun long Australia i kam bek long Teritori. Dispela lain man i go stap long Australia inap 5-pela wik. Taim ol i stap long Australia, ol i lukim piksa bilong kopa maining long Bougainville na tuol i go lukluk long ol kain kain wok sipsip.




TEP RIKODA

Smolpela tru. Strongpela moa. I no kostim planti. Yu inap yusim long bateri tasol.

# SANYO



NAMBawan REDIO bilong harim musik na nius. Yu baim Sanyo long liklik mani tasol. Karim Sanyo i go long ples bai ok i amamas tru, bai yu gat namba.



PIKAP NA REDIO WANTAIM

Sanyo - samting tru. Sanyo - smat moa. Tupela spika. Yu laik harim redio? Orait. Yu laik pilai rekot? Orait. Sanyo i redi - oltaim. Maski lektrik. Bateri inap.

Ol samting bilong SANYO i kamap long dispela kampani hia:

TERRITORY AGENTS

# BRECKWOLDT & CO. (N.G.) PTY. LTD.

PORT MORESBY  
P.O. Box 1549, Boroko.

MADANG  
P.O. Box 185.

LAE  
P.O. Box 557

RABAU  
P.O. Box 222.

MT HAGEN  
P.O. Box 237.

WEWAK  
P.O. Box 178.

KIETA  
P.O. Box 72